

福建通志

第壹拾柒冊

津梁

福建津梁志卷一

福州府閩縣侯官縣附郭

到任橋舊虎節門外今雙門內晉嚴高開河通舟楫因名大航橋相承去
航字直曰大橋唐元和間觀察使薛謩再開以油杉作隄限宋熙寧三年
郡守程師孟改名樂土俗呼毛應橋後改今名鐫於石欄安泰橋在南門
街舊利涉門外唐天復初爲羅城南關人煙繡錯舟楫雲排兩岸酒市歌
樓簫管從柳陰榕葉中出宋宣和間郡守陸藻建亭其上亭今廢 俱府
治南隅分屬閩侯官二縣

閩縣

去思橋在東門街舊爲羅城大濠卽澳橋相傳無諸時四面皆江水此如
屋澳舟楫所赴閩王時始以澳名橋宋開寶間錢昱修景德元年郡守謝
泌謀易木以石州民陳佑等奔走營集泌去三年而橋始成後泌死州民
祠祀之祥符七年改曰通津熙寧八年郡守元績中慕謝之政改曰去思
福建津梁志 閩縣

後陸藻守郡講亭其上湯門閘橋在將軍府後三山志甘棠閘卽此處馬
站橋在瞿光塔寺後化龍橋在資浦坊內通關橋在左院後河新瓦路長
利橋在開元寺前俗呼剃刀橋俱府治東隅古仙橋在水部門內宋大
中祥符二年作初名河西橋橋之東南爲清水堰紹興二十六年鄉人因
置閘名使君併以名橋後改名古仙鑄於石欄併鑄仁政流芳四字德政
橋在水部門內古仙橋東古橋渡也宋紹興十四年僧覺漸建濶九丈爲
門三號曰新橋陳稷書德政橋三字刻於石欄乾道二年創亭其上通津
門橋在津門樓前舊名兼濟初從清水閘開河通澳橋浦引潮貫城橫渡
兼濟門蓋僞閩築羅城所鑿也宋咸平間郡守陳象輿重濬之更今名俗
呼新河銚爐橋在府城南隅福星坊內一名釣鱸橋今爲平陸橋尙存得
勝橋在水部門閘邊仁愛橋在右衛前舊子城定安門橋也今已塞石梁
俱存俱府治東南隅獅橋在井樓門南三山志作帥橋經院前橋在獅
橋西百步許卽左衛前橋太平橋延慶橋在慶城寺前俱府治東北

開樂游橋宋元祐閒道士顏象環建後名晉安橋在行春門外石浦橋東
接鳳坂西抵水部門厚浦橋南抵鳳坂北連頂嶼 一橋在崇賢里登龍
橋宋嘉祐閒建明成化閒始累石爲之在歸善里蓬岐橋清康熙閒郡人江
釗砌石爲之浦東橋二橋在鼓山里七門橋在桑溪里鳳邱山右象西橋
宋乾道閒創明成化十七年重建浩溪橋宋建明成化十八年知府唐珣
命五虎門巡檢張守中重建際橋宋建明成化十八年鄉人王鑛倡而修
之下湯橋晉人創以泄水明成化閒知府唐珣命張守中修葺馬鞍橋橫
跨孟溪之上橫嶼斗門橋閩縣連江二邑土田之近橫嶼者皆由此以泄
水舊門狹窄稍遇暴漲禾稼輒淪沒成化十八年知府唐珣命張守中開
而廣之黿溪橋七橋在台北里迴龍橋在江右里迴港之上長三百餘步
奉眞橋宋元豐三年顏象環建在東嶽廟前章參亭橋宋建中靖國閒建
朝天橋一橋在易俗里大坑橋在永北里 俱府城東九仙橋初名台沙
橋以木爲之宋郡守袁逢吉建景德四年林洪範爲記或曰梁開平二年

關王作名合沙宋元符二年道士顏象環建亭其上更今名元季毀今仍爲木梁洗馬橋（南城外壕也）以木爲梁時洗省馬於此橋之東別分一支南橫通韭菜橋虎策橋沙合橋（又名小橋）明成化六年知府周鈍重建浦東橋浦西橋長汀橋（三橋在嘉崇里舊架木爲之）清道光元年連城楊應紫同族姪孫增吉曾姪孫成章易以石復獨力修石路左迤南關右達洪山橋俱在南關外萬壽橋（一名大橋）橫跨臺江江廣三里宋元祐間江沙頗合港疏爲二中成楞嚴州郡人王祕監祖道爲守造舟爲梁北港五百尺用舟二十號合沙北橋南港二千五百尺用舟百號南橋衡州從梁板其上翼以扶闌廣丈有一尺中穹爲二門以便行舟左右維以大藤纜植石柱十八而繫之以備癡風漲雨之患尋又爲屋以覆纜柱架亭於其側以憩行者中亭之北又有泗洲堂一所命僧守之而守橋軍房亦在焉南亭之南復卽山爲亭以濟川名之創庵其西崇寧二年復守是邦乃於橋南建天寧寺命天寧主僧爲三十院都管是時港已分爲三矣北

港舟十有六中港七十有三南港十有三凡一百二隻置田一十二頃七
十二畝備修費元時田入頭陀萬壽寺元大德七年頭陀王法助奉旨募
造石欄橋釀水爲二十九道上翼以石闌長百七十丈有奇南北構亭二
至治二年落成明天順間鎮守少監來任修成化十七年鎮守太監陳道
復修萬曆十六年巡撫龐尙鵬重砌石闌清嘉慶十四年水漲橋斷紳士
庀工治之道光六年知府王耀辰海防陸我嵩倡紳士修江南橋在鹽倉
前俗呼中洲橋又名小橋與萬壽橋接其長減萬壽橋之半乾隆間圯十
六年邑人何際述際選兄弟重修嘉慶十四年水漲橋斷紳士庀工治之
二十年復圯閩縣知縣言尙焜署海防同知捐廉倡建廝其流爲八長三
十有五丈廣四尺鹽嶼橋 青龍橋下有青龍池 二橋在仁豐里龍頭
橋江邊林氏居之在光德里義橋在西集里綠榕橋在大義溪東入山十
餘里有溪曰榕溪橋跨其上曰綠榕橋達於義溪義溪之東古榕二本蔭
橋東西故名明成化十六年知府唐珣重建二十年鎮守大監陳道修安

民橋跨義溪上雍正八年仙遊徐萬安捐修觀音橋宋時建後圯天順間里人陳叔茂重建在義溪之東廣坑橋明成化十六年知府唐珣修萬曆間重修又名長坑在大義坊口南苦竹橋在小苦竹溪頭安境橋在積善里林橋在開化里厝嶼橋在還珠里里尾橋明成化二十年鎮守大監陳道修在大田驛南里許俱府城南鎮海橋又名板橋木梁通仙橋宋乾道二年構亭在板橋南新閘橋明萬曆十六年知府江鐸建榕橋舊名島橋雍正四年里人劉鳳卿修乾隆三十三年里人王桂等募修改今名四橋在水部門外象橋民居鱗次河口要衝乾隆四十一年燬里人鄭瑞麟王金釗倡修孟超然記葦菜橋二橋在高惠里虹橋一名紅橋跨永福歸仁二里橋南有亭明成化二十一年修登龍橋在歸仁里廣利橋在嘉崇里路通橋在河口尾宋建明弘治間復建萬壽橋在河口新港古爲河口渡康熙七年鼓山僧成源與里人柯應宗同募建復建一小橋名鼎新里人柯而宜植水松俗呼松蔭橋湯門橋在湯門外俱府城東南四明橋

在井樓門外木梁呂公橋在梅嶼明萬曆閒爲備兵使者呂純如建純如視師海上至龍塘堡梅嶼斗門堡民德之董瑋曰地承公履吾梁之志勿忘乃梁以九石爲四門

南臺渡在嘉崇里螺洲渡在仁惠里山渡在清廉里王埔渡在嘉登里大義渡在西集里三山志乘退潮東經鼓山尾憩程水港候潮西入峽門旁入港卽此渡唐貞觀閒別駕衛總持見其處商旅賓主有序故以名之俱府城外南西峽渡在歸仁高洋二里峽門風濤險惡元至正閒元帥唆都募民戶置渡船一十有三兩岸各有亭爲行人憩息待渡之所歲久而圯明成化閒大監陳道重修洋下渡在鼓山里白田渡過雞嶼岸凡兩潮至洋門渡 洞江渡 營前渡 洋嶼渡 籌崎渡 浮岐渡 雙岐渡 俱府城東南

馬祖常萬壽橋記略泰定元年宣政使臣月魯鐵木兒上言會城三面距江其水皆自高而下石錯出其閒若騎布獸伏迅湍回洑旁折千里匯而

爲南臺江昔爲浮梁以濟每潦漲卒至則絕舟裂於兩岐民多溺焉師法助將橋江以利涉者命弟子吳道可聞於上天子嘉其意詔師卒成之爲墩二十八植材木礱密石納木腹而基之工未告具而師化其徒終成之岸南北爲侍御史中丞曹公景曰萬壽橋寺如橋之屈

侯官縣

雅俗橋舊在子城清泰門外俗呼楊橋上有清泰樓今廢眾樂橋在總督公署南宜興橋在西門東畔今塞新街橋在大中寺前開通橋通眾樂橋便民橋在大中寺東畔今塞宜秋橋在北門後街相傳僞閩時鑿渠引西湖清水貫城而入沿豐樂門城隅與浦尾潮接爲浴馬之所一名卧湖橋定遠橋舊子城豐樂門外舊名義和宋時建俗呼定遠今西門半街也橋以東爲遵義坊橋以西晉時西湖今湖潭塞居民鱗次悅濟橋達於土街橋下有溝舊濱西湖今爲平陸其橋猶存髮苗橋在水流坑北三山志子城西南隅俗呼苗爲堯昔有嫗於此賣髮髻因名今普明庵傍舊橋側有

水閘基石猶存合潮橋俗名雙拋閘都記與髮苗橋相接一橫一直故名
石刻合潮流水河步初郡城鑿渠通潮二派東南自水部門入經虎節河
而西西南自西水關入經觀音橋至浦尾而東俱會於合潮橋西水又自
觀音橋而南經常豐倉至澳門橋與東潮合東潮自津門樓經安泰橋至
澳門橋與西潮合二潮吐吞繚繞若帶會城一奇也今民居穀雜河渠多
淤潮亦罕接當加之意云北水關橋在定遠橋北金埔橋以木爲梁王師
橋二橋相連在浦尾河邊西水關橋在三山驛後太平橋在水關之東與
西門太平閘相接故名三合橋在浦尾觀音橋在雲飛境旁有觀音亭故
名俱府城內西隅車督橋在員通打線二巷口以近三山驛又名館驛
橋金斗橋在文儒坊舊羅城金斗門城壕倉前橋近常豐倉故名南北二
橋俱有亭虹橋在光祿坊舊名板橋俗名老佛亭橋澳門橋在光祿坊口
南舊清遠門壕橋也俗呼鴨門橋俱府城內西南隅迎仙橋在西門外
城邊木梁也閘都記以梁王霸冲舉西宮故名舊記西湖在州西二里舊

水成湖可蔭民田僞閩時益廣之迤邐南流接城西大濠直通南蓮池父老相傳僞閩時湖周回十數里築臺其上號水晶宮時攜後庭不出莊陌乃由子城複道跨羅城而下不數十步至其所今宮跡尙存民田其上而湖盡爲民田及菱池矣明萬曆十六年知府江鐸築壩於橋之北障西湖水建亭豎碑其上浦頭石橋有浦數里受玉屏銅盤諸山之水以入西湖爲隄其上雄兵橋在通仙門西宋時雄兵營駐泊於此故名舊有河港引西湖之水通於南湖歲久湮塞石橋猶巍然平陸中一名小橋泥門橋在泥王廟前故名一名平橋觀音橋在西門外直街宋時建明天順閩里人陳叔茂重建高峯橋在西教場頭柴巷打鐵橋在官園前洗馬橋在西關廟榮親里鳳凰橋在鳳凰山下香巖寺前西禪浦橋 石湖橋二橋在美宅里黃山橋在黃山前中濟橋二橋俱永欽里地藏橋在一都義民倉前神仙橋在新安里瓦埕頭又名打雷橋洪山橋距城西十里萬安江口舊有石橋門狹隘水迅急善壞民以爲病明成化十一年鎮守太監盧勝廣舊

址重建二十二年壞太監陳道修萬曆六年巡撫龐尙鵬重建四十八年
燬福州府知府喻政重建清康熙間總督姚啓聖巡撫吳興祚金鉉相繼
修乾隆四十一年按察使廣德福州府知府徐元立建後復圯嘉慶十三
年布政使景安按察使慶保鹽法道陳觀勸鹽商捐金重建渡橋在西門
十五里舊有之宋紹興七年汪義和知懷安舉一講僧更造之六十五門
萬安橋在梅亭鋪北納洪塘之支流驛路要衝也宋紹興七年建元季圯
於水明宣德八年中貴卓洪范士明重建於舊址之西四十丈許醴水爲
五道上跨修梁而覆以亭長二十餘丈成化十九年鎮守太監陳道修靈
光橋在桐口舊靈光寺旁名勝志出江之上稍折而東爲靈光山有橋曰
靈光橋卽桐口橋也桐江之水出焉流急善壞明萬曆六年重建爲亭其
上天啓間郡人曹學佺重建清道光壬寅年邑人王宗樹捐募重修橋成
命子景賢爲文記其事鐵纜橋在大穆溪豐濟潭上相傳潭中有龍興則
暴雨漲溪衝梁吳岸乃以鐵纜纜其橋上鑄鐵佛遂不爲患蒙溪橋在蒙

之口有橋去白沙五里潮水至此而止曹學佺有潮聲待白沙之句丁
坂橋 帶橋二橋在洪塘 俱府城外西小橋 厚嶼橋 拱辰橋三橋
在一都黃宅橋爲閩諫議大夫黃諷居第在橋之西故名樓雲橋其南有
樓雲慈峯院石碣橋 桐山尾橋四橋在三秀里 俱府城外南觀頭橋
在曉岐元通橋 新橋在高岐三橋俱靈鳳里合山橋以木爲梁而覆以
亭綿互凡數丈在海平里南嶼運橋在江口李宅橋其東有李宅村下浦
橋 遼沙橋 蘇崎橋 浯水橋 杜豹橋六橋在明光里張坑橋在白
鶴接武橋 白嶼橋三橋在清政里涼傘橋在永康里六橋在後尾花嶼
山下名勝志南嶼之外有花嶼周圍者六橋曰台潮玉浦鄭嶼溫陽後山
王坵皆擅花木之勝宋林安宅居址十四門橋疊石爲橋醺水凡十四道
在招賢里綠榕橋在綏平里慶城庄前陳橋 周宅橋二橋在八都 俱
府城外西南楊崎橋宋嘉祐二年建在九都澤苗橋宋淳熙元年建浦口
橋宋建隆三年建 一二橋在十一都潘舍橋宋熙寧七年建通濟橋宋熙

寧八年建般若橋宋隆興二年建仙坂橋宋隆興二年建四橋在十二都俱府城外南遺愛門池橋在北門外上翼以亭名勝志宋郡守元絳數游昇山郡人因其去之日易北門爲遺愛橋名因之文山橋在文山下江洋橋元大德六年建在十七都石塔橋元至正十二年建旁有石塔故名在十九都飛坑橋明永樂十五年古田縣民孟賢建併構亭其上站坂橋明永樂十五年建寧府民劉道同等建二橋在二十一都林門橋在二十二都宋慶厯間建俱府城外北四達橋在芋原驛南明洪武間建景泰三年知縣吳益重建文振橋在芋原東南一名聞政有亭柱皆石其下抵田不通江潮蔭嚴橋在西門外徐厝墩亭塘溪清道光八年徐可含建雙溪橋在五十都清道光二十年呈人林明登建

西禪浦渡

報恩前渡

洪塘高崎渡卽石岬江東流分爲二自洪塘至

水西高崎故名林豫州渡四渡在一都新道渡瓦埕渡二渡在二都吳

山渡沙溪渡二渡在十三都俱府城外西石邊頭渡在七都陽崎渡

陽崎渡

侯官

在九都十都間波流駛險渡者艱危元貳憲鄭潛改設官路置舟以濟因
亦名曰鄭公義渡澤苗渡一名白苗渡亦鄭潛所立記其上蘇岐渡遼
沙渡 鏡江渡 南嶼渡 芹洲渡 新崎渡舊名山崎在十一都 俱
府城外西南源口渡在十八都大箬渡在二十四都仁德里小箬渡宋熙
寧八年置安仁渡在二十四都宋熙寧八年置紹興間以安仁小箬二渡
歸湯背大穆溪渡在三十三都宋熙寧九年置風流崎渡 渡尾渡 白
沙渡三渡在三十四都黃石渡 石岳渡驛路百六十里至水口水路經
甘蔗州大小穆福院小箬大箬亦百六十里至水口渡風或跨二日 俱
府城外西北

林嫌洪山橋記郡西郊之外跨江舊有橋曰洪山以通洪塘名商舶北自
江至者南自海至者咸聚於斯蓋數千家云橋水門四十四其七當衝流間
歲輒圯御史大夫龐公旣入閩乃命工揆日哀軍餉之贏以治仍舊水門
新之而屋其上又葺傍僧舍使爲之守經始萬曆五年秋越明年夏告成

長樂縣

下槽橋在縣東舊六平門宋元祐間邑人陳毅建永濟橋在儒學前又
達道宋元祐間邑人鄭君等建上接下槽橋溪水下有二橋一在祠山廟旁
一在水關內引港水由水關入文治浦太平橋在縣東唐上元間邑人林
巨卿建明弘治間署縣姚禎重建名爲豐泰一名觀音橋隆慶間知縣蔣
以忠復建改今名阜民橋在縣後水關之下明隆慶間知縣蔣以忠邑人
鄭大智建資聖橋在縣後水關上舊有亭南陽橋在南門內上有石橋
隆慶間知縣蔣以忠建新橋在縣東龍津坊宋元祐間邑令袁正建
春橋在縣東門外明隆慶間知縣蔣以忠建中橋在縣東嶺口務西橋在
縣西宋淳熙五年邑人陳自得建一名塢前橋柿浦橋今水關在縣西臨
江澚上普照橋在河頭洋宋治平間僧光覺建明嘉靖間圯復修永寧橋
在縣西南舊名奎橋明隆慶間重修改今名 以上附城四隅多橋在後
漢宋嘉祐間建明正德間修延祥斗門橋在前漢宋淳化二年建有閘以

瀘蓄湖水 二橋在三都斗南橋在官路南明崇禎間建拱北橋在官路北後溪橋宋熙寧六年邑人高從建 三橋在三都牌頭橋道通福清明弘治間知縣王渙重建龍首橋閩縣長樂分界鋪下橋宋淳熙二年邑人邱鏡建明嘉靖間知縣劉士達修坑田橋在坑田渡頭明嘉靖間倭燬邑人林世章重建忘饒橋宋游知鑾建 五橋在四都拱橋宋延祐間邑人林貴建在五都仙橋宋淳祐二年建行相橋明正德間知縣梁輞爲尙書林延選建故名合溪橋明天啓間馬思裕重建 三橋在六都靈源橋路通靈源寺宋元祐間甘泉院僧德一建構亭其上郭橋里人郭姓倡修因名 一橋在七都中橋上聯郭橋下控渡橋此居其中故名渡橋 溪上橋 鍾靈源橋里許路通破石搏沙二潭宋元祐間僧德一建構亭其上 三橋在八都桃坑橋宋嘉泰三年邑人陳德初建又名取青橋在九都藍盤橋 過水橋 三圳橋 登龍橋四橋在十都新寧橋明弘治間重建在十一都游溪橋宋寶元二年邑人黃仕頌建今名寶溪橋象橋在光嚴寺